








# Huku Na Khongoloti

-  Winny Asara
-  Magriet Brink
-  Arnold Mushwana
-  Tsonga
-  Level 3





Huku na khongoloti a va ri vanghana. Kambe a va tshamela ro phikizana. Siku rin'wana va tlangile ntlangu wa bolo ya milenge ku vona loyi a swi kotaka.



Vayile erivaleni ra mitlangu va sungula ku tlanga.  
Huku a yi hatlisa kambe a yi tluriwa hi khongoloti.  
Huku yi ra herile bolo ekule kambe khongoloti ri  
hahela kule swinene. Huku yi sungula ku gungula.



Va twanana ku raha tiphenati. Ku sungule khongoloti ri va n'watipala. Huku yi kotile ku howisa golo yin'we ntsena. Nkarhi wu vuye wu fika wo va huku yi va n'watipala.



Khongoloti ri rahile bolo ri howisa. Khongoloti ri dirivula bolo ri howisa nakambe. Khongoloti ri ba bolo hi nhloko ri tlhela ri howisa. Khongoloti ri howisile tibolo ta ntlhanu.



Huku a yi khungivanyekile leswaku yi lahlekeriwile hi ntlangu. Huku a yi nga amukeli ku hluriwa. Khongoloti ri sungurile ku hleka hikuva munghana wa rona wa vilela.



Huku yi khunguvanyikile ku kondza yi pfula na nomo wa yona hinkwawo yi mita khongoloti.



Loko huku yi karhi yi famba, yi hlangana na mana wa khongoloti. Mana wa khongoloti a vutisa, “A wu n’wi vonanga n’wana wa mina?” Huku a yi vulangi nchumu. Mana wa khongoloti a vilela swinene.





Kutani mana wa khongoloti a twa xiritwana xi ku, “Ndzi pfune manana!” Mana wa khongoloti ri languta, ri yingisela kahle. Rito a ri huma endzeni ka khwiri ra huku.



Mana wa khongoloti a huwelela, “Tirhisa matimba ya wena yo hlawuleka n’wananga!” Khongoloti ri na nuho wo biha na ku bava swinene. Huku yi sungula ku vabya.



Huku yi gomela. Yi mita na ku tshutela marha. Yi entshemula yi khohlola. Yi tlhela yi khohlola. Khongoloti a ri nyangatsa.



Huku yi khohlola ku kondza khongoloti ri huma ekhwirini. Khongoloti na mana wa rona va kasa va ya tumbela ehenhla ka murhi.



Ku suka siku rero, huku na khongoloti va vile valala.



# Storybooks South Africa

[global-asp.github.io/storybooks-southafrica](https://global-asp.github.io/storybooks-southafrica)

## Huku Na Khongoloti

Written by: Winny Asara

Illustrated by: Magriet Brink

Translated by: Arnold Mushwana

This story originates from the African Storybook ([africanstorybook.org](https://africanstorybook.org)) and is brought to you by [Storybooks South Africa](https://global-asp.github.io/storybooks-southafrica) in an effort to provide children's stories in South Africa's many languages.



This work is licensed under a Creative Commons  
[Attribution 3.0 International License](https://creativecommons.org/licenses/by/3.0/).